



Semináriu Nasional Maiu 2015

Independensia judisiariu no Instituisaun Estadu sira-nia knaar atu asegura sistema justisa ne'ebé independente no efitivu

Uluk nanain, lori diresaun JSMP, Board no ekipa tomak JSMP nian, hatoo benvindo dala ida tan ba ita boot sira hotu iha fatin ida ne'e.

Antes ita hakat ba oin, ha'u hakarak uja oportunidade ida ne'e atu hatoo ami nia respeitu no apresisaun ba ita boot sira hotu.

1. Sua-Exelensia Sr. Prezidente Tribunal Rekursu, Dr. Guilhermino da Silva;
2. Exelensia Sr. Joaquim dos Santos, Deputadu Komisaun A PN- hosi bankada opozisaun Fretelin;
3. Sr. Dr. Ivo Valente, Ministru Justisa;
4. Sr. Horacio de Almeida, Adjunto Provedor Direitu Umanus;
5. Exelensia Sr. Dr. Jose Ximenes, Prokurador Jeral da Republika ka ajunta Prokurador Jeral;
6. Exelensia Dr. Sergio Hornai, Kordenar Defensoria Publiku Jeral;
7. Exelensia Dra. Natercia Gusmão, Juiza Konselleira Tribunal Rekursu;
8. Exelensia Dr. Deolindo dos Santos, Juiz Konselleiru Tribunal Rekursu;
9. Exelensia Diretor sira hosi organizasaun sosiedade sivil;
10. Exelensia reprezentante korpu diplomatiku sira;
11. Embaixador Komisaun Europe ka nia reprezentante;
12. Reprezentante doadores sira, USAID, AUSAID, Counterpart International, no liu-liu UNDEF ne'ebe finansia programa ida ne'e;
13. Ba Dosente ka reprezentante universitariu & estudante sira;
14. Maluk media sira hotu.

Ami haksolok tebes bele hamutuk fila fali ho ita boot sira iha loron ohin hodi diskuti kona-ba ita nia sistema judisiariu, ho tema: Independensia judisiariu ho nia sub-tema : **Instituisaun Estadu sira nia kna'ar atu asegura sistema judisial ne'ebé efetivu no independente.**

Tanba ne'e oradores sira ne'ebe sei fahe sira nia hanoin, seminariu ida ne'e mak PN, Governu ne'ebe sei reprezenta hosi MJ, Prezidente TR no Provedoria Direitu Umanus no Justisa.

Kestaun Independensia tribunál sira no sistema judisiáriu nu'udar prinsipiu importante ida ne'ebé konsagra iha Konstituisaun Timor-Leste.

Rua setubal, Colmera, Dili Timor Leste

PoBox: 275

Telefone: 3323883

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

Iha Estadu demokrátiku ida hanesan Timor-Leste, independensia judisiáriu nu'udar kondisaun importante atu asegura katak ema hotu iha konfiansa ba tratamentu iha sistema justisa formal no ema hotu fiar katak estadu ida ne'e governa tuir lei.

JSMP observa katak iha situasaun balun tribunál sira dala ruma hasoru dezafiu oioin inkliu iha tentativa atu halo interferefensia hosi orgaun soberania sira seluk ne'ebé iha potensia atu hamihis Tribunál nia kompetensia nu'udar mós orgaun soberania ida.

Iha relatorioi JSMP kona-ba autor judisiariu no asesor internasional sira, deskuti no elabora impaktu rezolusaun Parlamentu Nasional no Governu, ba prinsipi integridade judisiariu, separasaun ba poder, direitu asesu ba justisa no prinsipi estadu-de-direitu.

Atu garantia justisa ne'ebé justu orgaun soberanu idak-idak tenki ezerse sira nia kna'ar tuir limitasaun kompetensia ne'ebé defini ona iha Konstituisaun Timor-Leste.

Konstituisaun Timor-Leste, garante no proteze independensia judisiáriu nomós separasaun ba poder no garante katak tribunál sira hakruk deit ba Konstituisaun no lei.

Mesmuks Konstituisaun garante katak orgaun soberanu sira ne'e interdependênsia ba malu, maibe la iha orgaun soberanu ida mak ezerse poder boot liu atu kontrola poder sira seluk.

“Semináriu Nasional ne'e hanesan espasu ida atu facilita diskusaun nakloke entre instituisaun demokrátiku sira ne'e no atu asegura katak orgaun soberanu sira maneja sira nian hodi respeita organun soberanu sira seluk nia-knaar tuir konstituisaun haruka.

JSMP espera katak semináriu ne'e bele útil ba orgaun soberanu sira no publiku enjerál, liu-liu atu asegura katak prática no irregularidade sira ne'ebé akontese ona bele sai lisaun importante atu bele evita iha futuru.

Semináriu Nasional ne'e ho objetivu prinsipál sira mak hanesan tuir mai ne'e:

1. Kumpriende instituisaun estadu sira nia kna'ar atu asegura sistema judisiál ne'ebé efetivu no independente;
2. Buka hatene fatores impedimentu sira ne'ebé sai nu'udar obstakulu no dezafiu ne'ebé implika kualidade no efetividade sistem justisa formal no explora alternativa atu hadia;
3. Atu informa ba pubbliku relasiona ho orgaun soberanu sira nia knaar;

JSMP hein katak liuhosi meiu ida ne'e, pubbliku bele hatene di'ak liutan kompetensia hosi orgaun estadu idak-idak ne'ebé defini ona iha ita nia konstituisaun.

Aleinde ne'e semináriu ne'e mós bele fo hanoin ba orgaun soberanu hat ne'e relasiona ho sira nia kompetensia idak-idak tuir lei atu garantia estadu do direitu demokrátiku.

Atu hetan informasaun kle'an favor kontaktu direitamente:

Luis de Oliveira Sampaio

Diretor Ezekutivu JSMP

Diresaun e-mail: luis@jsmp.minihub.org

